

(13) Obaveza Ministarstva je da se tumačenja ovog Kolektivnog ugovora objavljuju na službenoj internet-stranici Ministarstva kao i da se tumačenja dostavljaju svim javnim ustanovama, a obaveza Sindikata je da tumačenja ovog Kolektivnog ugovora objavljuju na službenoj internet-stranici Sindikata.

Usklađivanje pravilnika o radu

Član 175.

Školski odbor, uz konsultacije sa sindikatom javne ustanove, dužan je uskladiti Pravilnik o radu sa odredbama ovog Kolektivnog ugovora.

Član 176.

Javne ustanove dužne su uskladiti svoje opće akte sa ovim Kolektivnim ugovorom u roku od 60 dana od dana stupanja na snagu ovog Kolektivnog ugovora.

Član 177.

U periodu primjene ovog Kolektivnog ugovora, ukoliko dođe do promjene načina obračuna plaća kod radnika u organima uprave, ugovorne strane saglasne su da će se u roku osam dana prići dogovaranju o primjeni novog načina obračuna plaća u javnim ustanovama srednjeg obrazovanja.

Član 178.

Ukoliko postoje realne mogućnosti, poslodavac može utvrditi i druga i veća prava po svom obimu i sadržaju, nego što je to utvrđeno ovim Kolektivnim ugovorom.

XVIII. NADZOR NAD PRIMJENOM OVOG UGOVORA

Član 179.

- (1) Nadzor nad primjenom ovog Kolektivnog ugovora obavlja kantonalni inspektor rada.
- (2) Radnik, Sindikat, vijeće zaposlenika i poslodavac mogu zahtijevati od inspektora rada provođenje inspeksijskog nadzora.
- (3) Radnici iz javnih ustanova iz člana 3. ovog Kolektivnog ugovora ostvaruju prava po istom i mogu pred nadležnim sudom zahtijevati svoju zaštitu.

Član 180.

Zaključen Kolektivni ugovor dostavlja se kantonalnom ministarstvu nadležnom za rad, u skladu sa Zakonom o radu.

Član 181.

Ovaj Kolektivni ugovor je potpisan u sedam istovjetnih primjeraka od kojih Sindikat zadržava dva, a po jedan primjerak zadržavaju: Vlada Kantona Sarajevo, Ministarstvo za odgoj i obrazovanje, Ministarstvo finansija, Ministarstvo za rad, socijalnu politiku, raseljena lica i izbjeglice i dostavlja se "Službenim novinama Kantona Sarajevo" na objavu.

Član 182.

- (1) Ovaj Kolektivni ugovor stupa na snagu dana 01.01.2026. godine, a Vlada će isti u roku od 7 (sedam) dana od dana potpisivanja objaviti u "Službenim novinama Kantona Sarajevo".
- (2) Stupanjem na snagu ovog Kolektivnog ugovora prestaje da važi Kolektivni ugovor za djelatnost srednjeg obrazovanja u Kantonu Sarajevo ("Službene novine Kantona Sarajevo", br. 38/22, 47/22, 28/23, 31/23, 7/24, 29/24 i 17/25).

XIX. PRELAZNE I ZAVRŠNE ODREDBE

Član 183.

- (1) Retroaktivni obračun razlike materijalnih prava dogovorenih ovim Kolektivnim ugovorom izvršit će se za

period od 01.01.2026. godine do 31.03.2026. godine i isplatiti uz majsku plaću nakon potpisivanja ovog Kolektivnog ugovora.

- (2) Ovaj Kolektivni ugovor smatra se zaključenim kada ga potpišu ovlašteni predstavnici ugovornih strana.
- (3) Ovaj Kolektivni ugovor važi na području Kantona Sarajevo.

Član 184.

- (1) Ovaj Kolektivni ugovor se zaključuje na određeno vrijeme, i traje do 01.03.2027. godine.
- (2) Postupak zaključivanja novog kolektivnog ugovora ili donošenje akta o nastavku važenja, odnosno primjene ovog Kolektivnog ugovora početak će najkasnije 5 (pet) mjeseci prije isteka roka na koji je ovaj Kolektivni ugovor zaključen.
- (3) Ukoliko se ovaj Kolektivni ugovor ne produži do njegovog isteka, primjenjivat će se stotinuosamdeset (180) dana nakon isteka roka na koji je zaključen.

Član 185.

U interesu zaštite života i zdravlja radnika za vrijeme proglašenog stanja prirodne ili druge nesreće, kao i za vrijeme vanrednog stanja u Federaciji BiH ili Kantonu Sarajevo, proglašenog od strane nadležnih institucija, u skladu s procjenom, Sindikat će sa zaključiti sporazum o načinu realizacije odredaba ovog Kolektivnog ugovora za vrijeme trajanja vanrednog stanja.

Broj 07-03-259/26

23. aprila 2026. godine
Sarajevo

Za Sindikat Srednjeg i
visokog obrazovanja, odgoja,
nauke i kulture BiH
Kantonalni odbor
Kantona Sarajevo
Predsjednik
Admir Šuvalić, s. r.

Broj 02/01-30-21590/26
23. aprila 2026. godine
Sarajevo

Za Vladu Kantona Sarajevo
Premijer
Nihad Uk, s. r.

Ministarstvo za nauku, visoko obrazovanje i mlade Kantona Sarajevo

Na osnovu člana 12. st. (1) i (4) Zakona o naučnoistraživačkoj djelatnosti ("Službene novine Kantona Sarajevo", broj 26/16), ministrica za nauku, visoko obrazovanje i mlade Kantona Sarajevo donosi

ODLUKU

O IMENOVANJU SAVJETA ZA NAUKU KANTONA SARAJEVO

Član 1.

(Predmet Odluke)

Ovom odlukom imenuje se Savjet za nauku Kantona Sarajevo (u daljnjem tekstu: Savjet za nauku), utvrđuje se sastav, mandat, prava i obaveze, naknada za rad te druga pitanja značajna za rad Savjeta za nauku.

Član 2.

(Sastav Savjeta za nauku)

- (1) U Savjet za nauku Kantona Sarajevo imenuju se:
 1. Prof. dr. Senada Dizdar, Univerzitet u Sarajevu Filozofski fakultet, predsjednica
 2. Prof. dr. Fikret Čaušević, Univerzitet u Sarajevu Ekonomski fakultet, član

3. Prof. dr. Aida Sarač-Hadžihalilović, Univerzitet u Sarajevu Medicinski fakultet, članica
 4. Prof. dr. Erna Karalija, Univerzitet u Sarajevu Prirodno-matematički fakultet, članica
 5. Prof. dr. Maja Arslanagić-Kalajdžić, Univerzitet u Sarajevu Ekonomski fakultet, članica
 6. Prof. dr. Nedim Pervan, Univerzitet u Sarajevu Mašinski fakultet, član
 7. Prof. dr. Tamara Karača-Beljak, Univerzitet u Sarajevu Muzička akademija, članica
 8. Prof. dr. Belma Ramić-Brkić, Sarajevska škola za nauku i tehnologiju (SSST), članica
 9. Una Glamočlija, Centar za istraživanje Bosnalijek, članica.
- (2) Administrativno-tehničke poslove za potrebe Savjeta za nauku obavlja Sektor za nauku u sastavu Ministarstva za nauku, visoko obrazovanje i mlade Kantona Sarajevo.

Član 3.

(Rukovođenje)

- (1) Savjetom za nauku rukovodi predsjednik iz člana 2. ove odluke a u slučaju njegove odsutnosti ili spriječenosti rukovodi zamjenik/zamjenica predsjednika.
- (2) Članovi glasanjem određuju jednog od članova za zamjenika/zamjenicu Savjeta za nauku.

Član 4.

(Mandat)

Mandat predsjedniku i članovima Savjeta za nauku iz člana 2. ove odluke traje četiri (4) godine.

Član 5.

(Nadležnost)

Nadležnost Savjeta za nauku utvrđena je Zakonom o naučnoistraživačkoj djelatnosti ("Službene novine Kantona Sarajevo", broj 26/16).

Član 6.

(Poslovnik)

- (1) Ministarstvo za nauku, visoko obrazovanje i mlade Kantona Sarajevo saziva prvu sjednicu Savjeta za nauku, najkasnije u roku od 30 dana od dana donošenja ove odluke.
- (2) Savjet za nauku će na svom prvom sastanku donijeti Poslovnik o radu.
- (3) Poslovníkom će se urediti način rada i odlučivanja, sazivanje sjednica, odlučivanje, prava i obaveze, kao i druga pitanja od značaja za rad Savjeta za nauku.
- (4) Savjet za nauku, ako smatra potrebnim, može pozvati na svoje sjednice i predstavnike drugih institucija.

Član 7.

(Naknada za rad)

- (1) Predsjednik i članovi Savjeta za nauku iz člana 2. ove odluke imaju pravo na mjesečnu naknadu u skladu sa članom 12. st (9) i (10) Zakona o naučnoistraživačkoj djelatnosti ("Službene novine Kantona Sarajevo", broj 26/16).
- (2) Naknada za rad Savjeta za nauku će se utvrditi posebnim aktom koji donosi ministrica za nauku, visoko obrazovanje i mlade Kantona Sarajevo.

Član 8.

(Stupanje na snagu)

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 27-02-35-21263/26

20. aprila 2026. godine

Sarajevo

Ministarica

Prof. dr. **Dužanka Bošković**, s. r.**GRAD SARAJEVO****Gradonačelnik**

Na osnovu člana 41. Statuta Grada Sarajeva ("Službene novine Kantona Sarajevo", broj 7/23), člana 9., člana 17a. i člana 28. Odluke o priznanjima i nagradi Grada Sarajeva ("Službene novine Kantona Sarajevo", broj 34/10 - prečišćeni tekst, 14/14, 31/14, 11/20, 16/22 i 22/22 - ispravka), gradonačelnik Grada Sarajeva donosi

ODLUKU**O DODJELI PRIZNANJA - ZAHVALNICA GRADA SARAJEVA**

Član 1.

Prof. dr. Gordani Sunarić Mégevand, jednoj od vodećih evropskih stručnjakinja u oblasti oftalmologije, dodjeljuje se priznanje - Zahvalnica Grada Sarajeva kao znak zahvalnosti za izuzetan doprinos razvoju savremene medicinske nauke, posebno u oblasti dijagnostike i hirurgije glaukoma, te za njen lični angažman i inicijativu u organizaciji Drugog regionalnog glaukomskeg simpozija sa međunarodnim učešćem u Sarajevu, čime je dat značajan doprinos afirmaciji Grada Sarajeva kao centra medicinske izvrsnosti i međunarodne stručne saradnje.

Član 2.

Gradonačelnik Grada Sarajeva će Zahvalnicu Grada Sarajeva, u obliku svečane diplome, uručiti prilikom ceremonije otvaranja Drugog regionalnog glaukomskeg simpozija sa međunarodnim učešćem, dana 17.04.2026. godine u prostorijama Gradske vijećnice, o čemu će se izdati potvrda.

Član 3.

Ova odluka stupa na snagu danom donošenja i bit će objavljena u "Službenim novinama Kantona Sarajevo".

Broj 01/14-04-2975/26

10. aprila 2026. godine

Sarajevo

Gradonačelnik

Samir Avdić, s. r.

Na osnovu člana 41. Statuta Grada Sarajeva ("Službene novine Kantona Sarajevo", broj 7/23), člana 9., člana 17a. i člana 28. Odluke o priznanjima i nagradi Grada Sarajeva ("Službene novine Kantona Sarajevo", broj 34/10 - Prečišćeni tekst, 14/14, 31/14, 11/20, 16/22 i 22/22 - Ispravka), gradonačelnik Grada Sarajeva donosi

ODLUKU**O DODJELI PRIZNANJA - ZAHVALNICA GRADA SARAJEVA**

Član 1.

Prof. dr. Zoranu Vataavuku, jednom od najistaknutijih regionalnih oftalmologa, dodjeljuje se priznanje - Zahvalnica Grada Sarajeva kao znak zahvalnosti za izuzetan doprinos razvoju savremene medicinske nauke, posebno u oblasti vitreoretinalne hirurgije i hirurgije katarakte, te za njegov doprinos unaprjeđenju kliničke prakse, medicinske edukacije i